

豐

草

菴

詩

集

豐草菴詩集卷八目錄

臨蘭亭編

臨蘭亭 題趙王孫古松圖 蟬子墜 戰城

南 戰城南古辭翼 姊妹花 五月菊 飛

仙國 題畫蘭首三 九巫釋 題張文通先生

古今經傳序略 賣兒行 舟居遙和石樹上

人 伏日示樵耒 紙盡 夢鄉散 秦良玉

詞 西谿客過期不至 迎涼浩歌 述志詩

欸乃曲 秋怨 和玄眞漁父詞 麗京賣

藥謠 悲落葉 雁字 竹馬謠 莫愁變

子夜變 采蓮變 四蟲語 弔古檜和張非

翁 水仙花 築石塘 罷市歌 馬雙角

樂府參同契 雨言 反公無渡河 李夫人

後歌

豐草菴詩集卷八

臨蘭亭編

吳興董說若雨著

臨蘭亭

乙未

傷俗學詩  
文曲擬也

臨蘭亭古人骨已朽魂魄飛揚上天千秋萬歲人生不  
愉樂自雄當須何年南山有鳥與雲俱來銜雲西歸來  
投我懷爲我謂鳥兔絲不可以衣飛雲不可以裁在昔  
起居郎褚遂良撫之縱放天筆良拜稽首欽承天王臣  
不敢陷繩墨胡今之人角巾楓窗摹古自惑永和九年  
歲在癸丑暮春之初後之視今亦猶今之視昔悲夫蘭  
亭繭紙入昭陵吁嗟乎蘭亭

永和九年二十四字余所  
謂借婆帳子拜婆年也

題趙王孫古松圖

王孫畫松天下無王孫奈此秋山何白石語青松從今  
已往勿復偃蹇青雲枝枝高葉布中圖畫松乎奈此王  
孫何

蟪蛄墜

蟪蛄吐秋絲墜我朝窗東晨風隄上來蟪蛄瑟縮從風  
摧從風摧泣向滄浪之天怨飄風怨飄風銜絲屈曲子  
口中

戰城南

戰城南日西落百重黃雲象城郭咄嗟飛騎何來中軍  
擊鼓旗門開翡翠裝弓玉爲矢人非沙石有情相攜戰

場死人非矯翮飛鴻亦復何能違寒惜死謀身辛苦飛  
秋江男兒墮地弧矢射天地四方我甲冑護我我馬負  
我我都護撫我男兒不早塗地肝腦結髮持弓瘡死行  
伍中忽忽日戴滄浪之天下踐黃土男兒當少壯青絲  
絡馬生拔名王莫迫年命衰白日一去無時迴二月細  
戰城南經緯音數日兒輩學六朝韻語遂命用齊梁體  
擬戰城南余因言擬古有二一擬古樂府題如六朝人  
作朱鷺芳樹五言古體是也一擬古樂府得風雅不墜自當  
窮之節是也吾儕欲操筆擬古樂府得其音節鏗鏘且音  
遠想慨然望見古人情寄不當徒擬其音節鏗鏘且音  
亦未易擬也僧父擬古樂府割裂鼓吹補綴清商正如  
王孫著假面舞市中自謂拍拍應令兒童婦女大笑之  
歸稱死字甚且疏句下余言死字自佳竟陵著語朽腐  
而杜撰非古人意余因復拈死字令各呈句見所長拙  
鎗淺仄視兒輩詩都不得佳余口占一絕旗紅關落霞  
甲麗明秋水馬上馬響刀環輕軀爲君死願樵兒紅關落霞

是夕餘情纏綿紙上復作戰城南一篇擬古意也往子  
錄古山水書畫方外之文目題曰嶺雲集謂只可自怡  
悅耳異日擬古樂府積數十  
篇當別爲一卷移嶺雲名之

### 戰城南古辭翼

戰城南死郭北飛鳥鳴風邊草白仰視飛鳥余心怱怱  
無憎余言勞勞戰場無弔客邊風蕭條落日如血汝且  
集枯柳之脇悲號烏乎戰場茫茫生居無堂戰場沙裂  
死葬無穴君不見截石之冰埋樹之雪戰場之骨不易  
白泣弔須臾爲君食立望河無梁欲渡河無船非河無  
梁客死戰場非河無船客死不還江南野田多悲風稻  
梁滿野愁飛鴻願君加餐億萬年非君之故軀誰捐  
戰城南古辭取疏本義不繁枝葉蓋注之用韻者耳若  
曰擬古恥同僧父。滄溟集中戰城南曲首云戰城南

走城北轉鬪不利號路側號路側三字有十丈塵次云  
謂我梟騎且行出攻寧爲野鳥食不逐驚馬徘徊蒲葦  
中語惡至是風雅墜地矣又云云水澤不竭驚蒲葦驚磨  
土未臨上大人亦未得在又云云鳥亦不自去客亦自不  
豪無端無端梁以集鳥子五鳥母六禾黍不食櫻腐肉  
願爲忠臣何可覆禾黍七字直是死語傷子良臣良臣  
誠可傷道何可覆禾黍七字直是死語傷子良臣良臣  
斷因憶戰城南古辭梁案室何一節以南梁何北禾黍不獲  
君何食願爲忠臣安可得此言戰城南死郭南北繼陳水深  
道則亦何南北之有蓋前通言戰城南死郭南北繼陳水深  
杏杏蒲葦冥冥改爲橋梁通濟之語言城南死郭南北繼陳水深  
可無阻艱而客已死矣復代客爲死不忘君之思言我  
死郭北而不得歸則誰獲禾黍以供君食願盡瘁歃歃  
而不可得矣下云思子良臣詩人思死客之良也于鱗  
此義

姊妹花

昭陽豔骨憶前生雙笑春風共目成搜得杜陵詩藁子  
水邊三月麗人行



五月菊

江南五月澹如秋  
籬腳風疏菊蕊柔  
喚作辟邪添舊譜  
錯教銷夏動新愁  
畫開紅樹景相借  
笛落梅花調足酬  
白髮心驚霜雁候  
田園從此剪除休

飛仙國

樵兒夢至飛  
仙國甚奇

國號飛仙列水堂  
含煙蓄翠晚山長  
曼卿米老應尋著  
相近芙蓉與眾香

傳家夢癖定仙緣  
此日重翻徵夢篇  
余癸未歲刻一幅世間  
徵夢篇一幅  
眞有飛仙國與汝同  
攜載月船

題畫蘭二首

涼雨四窗靜懷人水一方墨花浮古綠冰雪動寒香寫此當秋佩瀟湘託意長

空山太古泉千歲無人汲寄書與江湖所慕甘幽集人生狎車馬風柳難自立應知畫蘭人懷香秋淚涇

虞美人曲傳吳聲虞美人草如有情紅牙乍按美人曲美人草動春風生鍾情最苦知音少子將製清商一曲搖蘭草

### 九巫釋

巫更屯蒙朝暮改巫咸降宿辰所在式爲正卦目象海正表法程爲卦宰目定形儀露文彩巫易旌旗變軍壘兩兩相比巫比解比兼正變貞與悔巫祠神教龍爲楷

飛龍所宮神雨灑巫參終始參相待是謂參伍聯未亥  
巫環策卦環磊磊天地三環測源委春官九巫人未知  
書付樵兒與耒兒

題張文通先生古今經傳序略

讀序略者聽之某世某年月日慎勿疾馳章句加深思  
始皇帝三十四年制可丞相斯非醫藥卜筮種樹之書  
皆燒之皆燒之六經不絕如絲故漢有京房故吳有虞  
翻故熙寧己酉孟冬望日文同有黃氏易圖後題故淳  
熙四年丁酉冬十月戊子序詩集傳新安朱熹春秋善  
惡並書聖如天覆無是非翁作序略師仲尼異同森列  
人自知敬識時日寓所悲

賣兒行

大兒十五勝犁目雙瞽中男九歲西牧豕惜此抱中孤  
兒有過長者教言慎勿答苦孤兒聞之垂涕如雨阿母  
攜兒出門行行前至龍祠吹洞簫打鼓柰何慘毒捨兒  
謂他人父母亂曰孤兒低頭觸屏風坐睡昏昏阿母持  
米出門探懷中米乞與傍舍爲兒市洞庭霜橘纍纍煩  
卿相勸孤兒莫嘸悲度石梁蹋青莎行一二里涕泣復  
來不惜袖中三錢更爲孤兒置一摩睺羅摩睺羅泥孩兒也見武林舊事

舟居遙和石樹上人

一任人猜米老舟莫教藤杖閣船頭筆從白鷺飛時點

畫向青山影裏收小住不嫌尋釣侶移家明日換蘋洲  
臥遊寂寂終輸與落葉吟寒客未酬

篷窗挂幅小瞿曇柳岸焚香伴石函僧史他年添浪跡  
黃茅惜日悔營菴眼中天下名山五夢裏廬峰笑客三  
身在雲煙誰得並雒陽休復記伽藍

伏日示樵耒

文章墜地三千年孔門言詩不多許始知久矣詩無傳  
長聲三轉玉衡喪無射黃鍾誰正偏龜茲七調到中國  
四十二字開華嚴分司喉舌強宮羽那知問字滄浪天  
昔表文音歲在西轍筆亂離書未全參同樂府漫銷夏  
扶起六詩秦漢前世閒擬古愚可憫如呼豨與留離蘭

元聲寥寥在天地少陵昌黎寧棄捐西涯述史亦清絕  
唱歎餘音殊不然言前脫落竟誰是攜汝長嘯吳山巔  
紙盡

咄咄書空日又曛鸞箋十樣有誰分妒他韋偃雙松絹  
泥殺羊欣數幅裙魚網悶翻東漢史密香長望海南雲  
三都覆醬從教免且擬王家腹藁文

老悔雕蟲慕太玄江南紙貴稱愁眠百篇斗酒當年事  
尺素相思三歲前沒字秦碑聊記錄無文宗旨任流傳  
西偏擬割栽松地多種甘蕉學綠天

夢鄉散

天無黃道斜七十二候春虹長沒蟬不鳴秋人生百年

無夢遊三萬六千日日日如羈囚王公牧豎定哀樂頭  
白不敢輕封侯夢鄉有仙人雲中十二樓紅顏如海霞  
同唱白榆秋夢鄉樂復樂夢史書未休秣我馬脂我車  
男兒老騶九州土莫笑婦女懷鄉閭

秦良玉詞

偶讀近人詠女將秦良玉  
詩心鄙其辭遂成一絕

追奔一點繡紅旗夜響刀鏗匹馬馳製得鐃歌編樂府  
姓名肯入玉臺詩

西谿客過期不至

往昔刻約言不食此迴遠遊心已貪夜來坐到露花滴  
更復望君蓮葉南眼底青天里四五夢中破琴弦十三

相見擬狂言說豆棚放語自清絕莫待霜落分黃柑  
夢故引此二事

迎涼浩歌

王孝孫貧不營家有牛一頭使子將車夜其宿車上歎  
滄海橫流余生長江南彼露車我有漁舟呼樵兒共載  
耒兒狡獪汝迎風打漿牧拂吟牋舫潔茶甌吳越谿山  
恣意遊

述志詩

有黃野人如羅浮中

黃野人葛稚川門弟子

有友許邁如王右軍

如張玄眞漁童樵青如襄陽龐子慕鹿門樂而忘死飛  
神太清歌以言志書爲座銘

欵乃曲



小兒船頭打秋疊大兒船尾念漁書老翁平生有香癖  
柏子拈炙樹根鑪

秋怨

聞道西洋鏡遙光見千里妾拔鳳頭釵買鏡炤湘水湘  
水炤君行此鏡還贈與君炤千里妾不惜秋風死

和玄眞漁父詞

曬網雙雙歇柳磯兩家一樣綠蓑衣君奪角我斜飛隔  
箇船窗共其圍

麗京賣藥謠

秋日得陸麗京書  
餉余恭壽堂診藉

涼雨吹枯澤涸不能拔擢秋蘭槁麗京賣藥不能起豐

草麗京賣藥三吳豐草抱疾蘋洲翦青松爲籌落梅爲  
點閉門偃蹇排河圖爾爲醫恭壽著書言怪奇我且爲  
卜不敢曰垂簾于蜀可以療飢不相見十年十年相思  
千秋萬歲謂我二人何爲乎

悲落葉

老根爲石高枝碧拂滄浪天風霜無親俾我決絕曠別  
萬年當復柰何首夏扶疏朱綠如帷繁華不自惜往不  
可追根株日已遠時命倖已晚秋風問落葉子去何時  
返

雁字

飄颻莫羨舊銀鉤一幅平沙別樣愁落筆天驚思華嶽

回文峰轉記衡州音傳南國秋搔首篆愛淩雲暮倚樓  
歲晚瀟湘煙似墨短行黯澹句難酬

竹馬謠

蜀之紙可以爲鳶南山之竹可以爲馬吳興兒衣白紵  
小浮圖疊古瓦叱馬馬不行折柳箠苦汝

莫愁變

莫信莫愁名愁是儂所爲莫愁愁復愁儂名儂自疑

子夜變

青青古崖樹負霜立晴月誰疑儂天矯儂自霜晴柏

采蓮變

采蓮乏新聲儂唱采蓮變誰將其命鳥譜作西方豔

四蟲語

蟬語

思邪峰西日墜志士嗟芍藥春風錦障遮

鼠語

卽足卽足卽事消搖人自束雲樓夜半講華嚴講案長  
留待誰續

螭螭語

似我似我我誰似似太古太古之古無處所

絡緯語

嗟殺嗟殺殺人誠可嗟烏啄戰骨風揚沙殺人可嗟出  
塞入塞鳴絲車

豐詩九  
弔古檜和張非翁

空遺鶴骨傲湖濱  
忍逐飄搖陌上塵  
還倚枯根結亭子  
從今野老往來頻

水仙花

尋花艇子忒清憨  
拂拂寒香月滿潭  
積雪未消漁路冷  
肯憐憔悴倚江南

築石塘

築石塘新軍來築塘  
未畢府帖催府帖  
下鄉吏打門南  
村竈冷行西村  
西村十家無一存  
破屋無門僅梁柱  
傳道新軍三日屯  
吏索空村遇樵父  
樵父言卿報府主  
五月不打插秧鼓  
眼中良田半荒土  
築塘攝役添冤苦  
君

莫苦君不見塘岸油衣點簿書朝朝狼籍黃梅雨

罷市歌

罷市罷市新軍西至新軍至齊立馬哥入酒家彼高樓  
著我

將入門下馬紅兜挂壁刀挂戶我飢先陳酒脯兒善飼  
我馬

馬雙角

馬雙角樹生栗鄉里有船官帖捉嗟哉民愚嗟哉爾民  
一何愚不見江防刻日造戰艦幾家墓柏留古株

樂府參同契

奎壁角軫天地門戶五運之鎮化於辰巳開聲爲春發

時爲徵至於成均形而下矣故句第二音端律止短長入攝笙鐘是倚

雨言

巧歷日握籌雨點不可算鄰雞鼓翅鳴愁魂去難喚蒼茫三十餘憂患蝕其半夢作天台僧秋苔月中踐癡逐瀟湘煙南望青無岸嗟哉復嗟哉長夜何時旦

反公無渡河

爲亡友玄趾也亦曰祭王子之樂章北兵至玄趾死玄趾將墜於江致書念臺劉先生曰門生已得死所矣書至先生亦自決

牘曰門生已得死所師當復奈何劉夫子發書慨然王郎死而念我公無渡河公竟渡河天行之馬必有帶劍

之魚儒衣冠南嚮再拜稽首會稽弟子員臣統著二祖  
列宗先皇陛下當復奈何哀痛奈何再拜稽首下土章  
句臣著皇天后土鑒之臣著水死渡河而死當奈何  
嗟今之人孰不戴青天高履黃土

李夫人後歌

魂歸帷開悲歌徘徊靈念予其復來

豐草菴詩集卷八



豐草菴詩集卷九目錄

雒陽編

雒陽花 諸葛菜 雁來紅 翠雲草 夜落

金錢曲 望江南草 鳳仙曲 曼陀羅 鳳

尾草 二郎廟 百花王 蘆王述 草鞵郎

廣利謠 織女祠 韋蘇州 插花李 花

馬翁 河西傭 補鍋匠 東湖樵 雲門僧

華清招 殿下樹 海上牧羝曲 新豐曲

閨闔開 太古暑 歛九地 夢鄉樂 磨

兜堅 翦紙錢 孟蘭招魂詞 雒陽秋 打

葉子 立部伎 胡旋舞 反行路難 周宣

靈王詞 夢遊仙清角引

豐草菴詩集卷九

雒陽編

吳興董說若雨著

雒陽花

乙未

宮門銅駝在荆棘雒陽新鬼傷春泣  
白月悲笳聽不得斷腸忍續麗人行  
空見麝香眠石竹魂隨楚雨夢江南  
羅衣夜繡春纖纖

諸葛菜

玉壘愁雲鵬血紫花落幾迴桐鳳死  
惠陵草沒石麒麟昭烈陵名惠陵八陣圖空咽江水  
蕪菁一握雁門秋葛山打鼓

祠武侯

雁來紅

玉關榆老飛秦月  
炤出千年戰場骨  
一聲海雁裂秋峰  
不管倚樓人  
白髮霜花夜染珊瑚雲  
清商重奏江南春  
翠雲草

翠華六月新歌凱  
鹵簿南行祭南海  
韶石峰頭一片雲  
江北江南青藹藹  
鏡歌空唱上之回  
三十六宮秋笛哀  
夜落金錢曲

谿雨急柳絲垂出門  
惘惘何之歸來入門  
振衣還視餅  
中有粟錦囊中有詩  
一解餅中有粟囊有詩  
吏夜打門催租  
黯然銷魂不見顏  
清臣舉家食粥數月  
罄乏號飢乞米  
眞帖世寶之  
二解世寶之思古  
貧士貧士誠可思  
夜涼獨立露下沾衣  
誰忽金錢擲地爲錢  
乎錢乎是耶

非三解

望江南草

桐風吹夢飛秋海仰視白榆低可采桃花鞦韆瀟湘雲  
倒影蓬山石磊磊蟬聲截斷荔枝天石闌索索黃金錢  
鳳仙曲

天孫祠罷敲花急小娥惜花秋淚滴紅樓聲亂擣衣砧  
守宮夜滅珊瑚色狡獪麻姑鳥爪紅幻出丹砂指掌中  
曼陀羅

摩多樓子歌聲歇

摩多樓子古塞上曲

拈起優曇人不識慈氏遙

樓兜率宮可憐雞足山中客眼中香雨曼陀羅誰能結  
束舞天魔

鳳尾草

四座莫喧聽鳳皇語不見儂五色文章愛儂翠尾

自雉陽花至鳳尾草九首爲草九歌

二郎廟

刺俗淫也故爲期所歡之辭繪園言吳封門內水起小洲土人立二郎神廟祭用白雞吳城輕薄少年結伴狂遊闌入珠翠叢中相隨拜起神了不異也

白雞青酒往祠灌口孃行在前笑儂逐後

儂逐後行孃行在前二郎照鑒雙心萬年

二郎醉止雙拜奉觴與子並坐涼堂水窗

百花王

蘇州府治卽春申所造相傳爲枕夏宮是也舊志郡圃地甚廣前臨池光亭後抵齊雲樓

唐時木蘭堂在祠園之西園中有土地神祠  
號曰百花大王宋濬熙中韓彥古欲毀不果  
嘉定中重建今雖廢而民  
間尚有祠百花大王者

園通齊雲接池光西日照耀木蘭堂芳樹司命百花王  
招魂續魄千和香鬱金蘇合調都梁祓除邪穢年命長

### 蘆王述

議承虛聲也一  
日破蘆王詞

仁宗朝緹騎千侯孫表奉使琉球道白石磯秋風蘆荻  
滿洲指一鉅蘆拔類無儔可稱蘆王一解伐鼓舟行蘆

乃自王雲帆高張長男剪紙作錢髻奴揮霍屠猪羊二解

海上人依洲結廟黑螭抱棟魚鱗堂孫侯畢使來歸

茲我昔日戲言入門大笑神茫茫三解憶昔嵩山破竈

墮聖從何合靈何繇憶昔嵩山破竈墮聖從何合靈何

繇四解

蘆王一朝失宮殿侍衛去棲蜃樓不見石幢海

雲長流五解

草鞵耶

杭有草鞵三郎廟伍伯之屬家祭戶享

百年如客敬奉君芒屨一兩大夢若脫

咄咄伍伯男兒不自閱歷冬春胡爲惻惻自煎迫

寄聲三郎贈余青鞵雲門若耶

廣利謠

風也廣利王廟香火盛於嶺南廟中積貯刻契借人如世間子母錢

廣利王雖明神仁不及孟嘗君孟嘗家有馮驩廣利會



計子錢

織女祠

崑山縣東三十六里有黃姑渡渡口有祠曰黃姑廟今隸嘉定昔有牽牛織女二星降神其地織女以金釵劃水水溢俗遂稱百沸河立廟水上每歲七月七日土女盛集賽神乞巧各施繡鞵錦囊聲帆流蘇之屬先拂神額後挂帳前累累不絕

織女廟前秋渡涼竹枝一聲人斷腸畫船窈窕珠翠香  
柳風吹帶蛾眉長紅玉闌干壓水堂燭花射眼珊瑚光  
流蘇五采雲錦囊女兒鍼絕嬌無雙繡成藕渚文鴛鴦  
鳳幃金鎖鉤杏梁阿姊乞巧儂拜旁摩香欲言聲半藏  
喚郎小名私祝郎神靈驅使思故鄉

章蘇州

韋刺史應物死爲吳神廟在蘇州府學有士人夜居學之西廡見韋公著大冠絳袍車騎人馬旌幢繖蓋並從韋公祠前大椿樹上冉冉騰空而去

韋蘇州山空無人霜葉滿寶幢雲馬何時返

韋蘇州山情水性詩骨寒安能局促爲神官

插花李

常熟致道觀舊有梁朝七檜觀西廊李王廟最靈異昔觀門火發忽見火光中官舫數十蔽空而下篙師水手殆及百餘並挽天河中水以滅烈燄隱隱聞風濤之聲隊仗旌旗繽紛照耀而擁黃蓋著白袍立於舟首者驚是插花李王頃之火息明月視神梁所挂數十小舟皆沾符漬土偶皆汗李王本長興李烈士也

插花李古觀風秋山葉紫七星檜老風雷痕鶴骨龍筋神未死插花感激少年場烈士飛揚心不已觀門騰火

朱霞起靈官提劍天門來鬼工闕挽天河水明日空梁  
落蘋蘩

花馬翁

神賣菱吳閭擔夫爭道而水死也故託爲采菱之詩猶園云蘇城花筵中以插花馬公爲五郎部下傷官巫祝稱爲馬福總管俗呼爲馬阿公別置矮席先祝稱爲馬福總管俗呼爲登歌相傳馬阿公者葑門人以貢鮮菱爲業每晨擔菱出閭門經過山塘宋相公廟首擇一雙爲供暮年與人爭擔不勝登減渡橋自投於水適宋相公神舟過橋下收帳前驅使吳俗凡互衡市肆者龜事於家以昔嘗爲擔夫又名福也

插花馬阿翁聽我采菱歌菱角刺儂心菱殼斷腸紅  
采菱復采蓮儂不識蓮葉呼作碧玉盤  
怪風黑雨山塘道左歡攜儂去相公廟口

采菱花馬翁雙菱餉相公神舟收部下只念渚菱紅

自二郎廟至花馬翁爲野廟九歌。野廟迎神小巫詞穢暑日閱猶圖感雜祀九事歌以紀之

河西傭

河西傭人不識朱夏毒日冬雨雪葛衣一領不肯脫葛衣雖裂忍與絕新衣雖樂不如我葛葛衣裹骨死不歸勿葬我棺當風揚灰

補鍋匠

補鍋補鍋天西南一角我以爲家爲汝補鍋爲汝補鍋酒我食我勿與我錢我無家有錢則那教汝補鍋教汝補鍋我今蜀人不可不語蜀劍路天高五丁鑿教汝補鍋教汝補鍋汝慎勿疑補青天者女媧嗟乎汝慎勿疑

補青天者女媧

東湖樵

鷓鴣子飛雲中遙亦鯉魚谿口跳武王據商雒邑南海神  
來朝壬午秋新皇帝登極詔下溺死東湖樵

雲門僧

若耶谿賣薪二束吟若耶若耶谿上畫谿沙雲門寺筆  
囊茶具隨童子詩成童子低吟爾雲門僧雲門僧若耶  
有樵知未曾同時有若耶樵夫

自河西傭至雲門  
僧爲建文臣四歌

華清招

巫執神旛作神語要入華清召天子不惜紅巾託大招

遙見聖人雲閣裏偃月堂虛滅華燭死授揚州大都督  
李林甫扶疾從幸華清宮數日增劇巫言一見聖人差  
減帝欲視之左右諫止乃敢林甫出於庭中上登降聖  
閣遙視舉紅巾招慰之林甫不能與使人代拜於席翌  
日國忠自蜀還謁林甫拜於牀下林甫垂涕託以後事  
尋卒贈太尉揚州大都督余讀李西涯腹中劍一篇爲  
林甫也腹中劍中自操一日不試中怒號構仇結怨身  
焉逃一夜十徒甘爲勞生無遺憂死餘恨恨不作七十  
二豕藏山坳命題旣遠占雅詩亦巖直故更其詞作華  
招清

### 殿下樹

殿下樹繞樹翔行其下其下聊可駐右衛將軍上獻諛  
辭異香氤氲色參差止止我思魏徵思魏徵言遠佞人  
佞人之遠誠可思佞人何人卿自知唐太宗嘗止殿下樹愛之右衛將軍  
字文士及從而譽之不日帝正色曰魏徵嘗勸我遠佞  
人我不知佞人謂誰意疑是汝今果不謬西涯作譽樹

行云莫愛庭前樹一譽百譽隨向非諫臣言不知侯者  
誰不知向自可不去安用知甘言終幸憐逆耳先防辱  
那將君王樹不及太尉足殊  
似史斷余更其辭作殿下樹

### 海上牧羝曲

海風蕭蕭吹墮節毛牧羝祝羝羝不乳生不願衛律見  
羝可與語

子卿足下聽陵一言汝羝來前汝陵勿言

### 新豐曲

季乎偃蹇爲天子屠販少年安用此鬪雞賣餅蹴踘場

千秋萬歲魂魄思歸故鄉

太上爲天子父慘懷不樂思舊豐屠販故人此千古曠土

懷也西涯語涉暴露余補其意作此

自華清招至新豐曲別西涯樂府

豐詩九 雜陽編

七

閭闔開

一曰祀天神新曲悲下土也爲天神俯哀之音

太一下閭闔開雙龍夾車從雲中來悲哉中野崎嶇泰  
華嵩衡五點青苔黃河如絲人物死生今古夫奚爲帝  
告巫陽汝馳下土招魂歸來

太古暑

一曰  
笙詩

赤日經天毒九野逢逢澤雲曷來蔭我白移過樹煙耶  
人耶

欵九地

一曰饗鬼之  
詩亦曰鼓曲



欵九地僕本恨人竊覽觀五帝三王周秦紀載自司馬  
遷次第古史帝王本紀世家列傳年表漢晉已下文苑  
墨林是爲史例甲子庚申累數十年月日聚歛章句辭  
六七行而已悉哀哉勉事地下主唐虞何在鏡三千年  
之所逝

自闔閭開至欵九  
地爲雅聲三歌

### 夢鄉樂

雲邪青浮山帶匡廬耶彼何摩青霞而馳駕鶴之賓邪  
斑龍車邪折瑤華邪近邪遠邪天垂四野翠無涯誰嗜  
愁苦思還家

### 磨兜堅

磨甓堅慎勿言雕龍炙轂聖煩冤帝遣呂政驅除難白  
雪夜埽文昌前獄雲收盡滄海乾燒書已後一千年諸  
儒不悟箋注繁孰領太古默思玄

翦紙錢

富莊露歌哀世  
死生錢辭也

翦紙錢蹙紙山金作响屨銀華山願君金魂玉魄相隨  
世世萬年

孟蘭招魂詞

靈風飄幢塔鈴語小玉魂歸立秋渚只言夜闕陽臺雲  
蒼茫乍隔青楓雨擁髻來看水鐙綠法王正奏無生曲

雒陽秋

庭中翳麥歷秋餘花晚豔憶樂天秋游詩何  
事古今詩句裏不曾說著維揚秋因用其意  
此賦

孟郊心向龍泉說東野詩欲識丈夫心曾將孤劍說磁斗繁花生秋髮  
紅樹青山別樣春壯心不爲風霜歇一聲漁笛水如煙  
相約看花白雁天

### 打葉子

葉子格始於唐同昌公主爲葉子戲集今其遺意也

打葉子帝子筵開廣化里

同昌里名

夜光珠轉琉璃盤僧祁

捧立堂如水同昌第冷寒螢哭南唐金葉誰編續

南唐宮中

有金葉子格

閨房雅戲墮秋煙空鬪宋江三十六

### 立部伎

豐詩九 雜陽編

九

唐立部伎絕無性識者退入雅樂

綫髮垂垂動城舞假面崢嶸雕獸耳巧綴毛衣弄獅子  
秉拂崑崙疾風雨秦王破陣慷慨聲揮戈執戟銀甲明  
聖壽字舞十六變寶祚彌昌諛太平立部伎撼川谷立  
部不中操雅樂

胡旋舞

天寶開西國所獻樂天徵之並譏旋舞亦別其意作此

胡旋舞胡旋舞胡旋舞兮能悟主江湖競注野馬飄鼓  
古今天地皆旋舞天寶開元一刹那譜得風輪獻天子  
反行路難

淮南王鍊藥得仙雞鳴天上犬吠雲閒東方騎馬吉雲

野繞日三市暮入關九州小不足步五嶽局促羞往還  
男兒拔劍辭家風浩浩勿惜青天劍門道

### 周宣靈王詞

傷冤難明也周宣靈王廟在徽州休寧靈異甚著蘇州寶林寺旁舊亦有祠萬歷辛丑休寧少年與鄰婦通夜半夫至惶急拔婦銀簪鬪之被髮狂叫躍去突入周宣靈王廟忽失所在明日而銀簪在神鬢也神爲無賴所免昭雪無地遂見形於蘇州寶林寺中重新廟貌而休寧禱祠無應矣

泰山松柏相隨而行入於海樓十二層豕翼而飛結藤爲龍耳馳目趨怪怪奇奇謂曾參殺人謂孔墨奔車

謂日月照下土日有食之謂靈祇執天刑書賞善災淫  
周宣靈王鬱鬱陷網羅

夢遊仙清角引

藥珠玉簡紫霞文翠水層池徑問津紅篆一函開鳥跡  
高座頑仙讀未眞吟碧落悟天根雲表翻書逐字新人  
閒四部才華儉空廢丹砂研露點千年城郭幾迴更海  
塵飛盡秋霞歛余製此曲用蕤賓角爲摩天之音凡合  
二均起清角入南離轉入北方閉調此  
夢仙之元聲也不得純用飛揚亦不得  
純用幽沈高山流水世未必無共賞也

豐草菴詩集卷九

豐草菴詩集卷十目錄

洞庭雨編

洞庭雨呈靈巖和尚 韋馱杵 陳蒲鞵 大  
小空 大慧爪 古錢囊 平涼志 倚松吟  
入滅去 冬青飯 雪彌勒 石麒麟 亂  
石子 冰釵 臘月扇 甘蔗屑 走馬鐙  
舊書韜 紙燭 雪珠 紙錢灰 古廟香鑪  
送菴中埽花奴

豐草菴詩集卷十

洞庭雨編

吳興董說若雨著

洞庭雨

呈靈巖和尚

乙未

靈峰千仞門外俗子未敢妄役松煙虛空布  
彩惟是玄潛十年點易結習難忘私心實願  
祇除不祥重澄河洛屢蒙和尚垂問寶鑑難  
逃往讀和尚扇頭一偈有閒將一幅洞庭雨  
挂向山房遠更宜之句輒  
不自量賦洞庭雨一篇

一幅山房洞庭雨白石青松柘枝舞文章道喪及千年  
袖裏靈山香一炷鷓鴣點易營環堵古今成名笑羣豎  
批抹龍圖心莽鹵相對婆娑兩枯樹漢武已來繁冊府  
換象抽爻立規矩眼光誰透秦灰前冷落羲皇塗毒鼓  
虞翻夢裏強吞爻易苑春風鬧鸚鵡祖述焦京六甲飛



錯遣張顛摹岫嶺奎歷開文五星聚儒林恨缺飛龍譜  
南北空爭先後天那知出震分賓主雒水明珠四十五  
殺機用九威音祖無首羣龍十二辰黃鍾夷則輪宮羽  
風雨雷霆彈指閒擊碎須彌無寸土泣抱遺經思小補  
忍復雷同隸前古悲吟未向知音吐大鑒堂高聆玉塵

章歎杵

海鹽德藏寺在縣北五十里元時寺中樵汲  
僧眞諦性若懸駭而恪守戒律國師楊璉眞  
伽來寓寺中聲言欲發天女等莖意別有屬  
也及楊下令果及雲閒陸左丞愛女朱提舉  
夫人二墓眞諦聞之怒形於色眾僧懼致禍  
苦爲陰勸及楊五鼓肩輿發眾出寺眞諦忽  
起抽章歎木杵奮擊楊命捨之時眾雖數百  
皆披蕩不能拒傷者凡百餘人眞諦於眾中  
超躍每踰尋丈若隼撤虎騰飛捷非人力可  
到一時鎗炬皆滅腰勦畚插皆爲段壤楊大

懼謂是韋馱神威遂不敢往發鼓花率眾而去亦不敢問此僧也後二年真諦行脚峨嵋

不知  
所往

楓青雨黑嘒妖鵲繁花古墳剔鐙綠總統楊髡翻地軸  
搖動東南天一角妖魂癡夢玉鉤斜天女冢前邊馬蹴  
金鳧翅鼓思朝飛隧路雞鳴見華燭韋馱木杵無端捉  
虎騰騰擊天魔伏飛揚俠骨梵王宮亂撲鐙光風謾謾  
珠襦不碎秦庭玉峨眉老放看山目

### 陳蒲鞵

道明睦州人俗姓陳入開元寺爲僧契法於  
黃檗禪師常自織草屨鬻以養親及施行路  
者黃檗兵壓境郡人洵懼明告以勿憂爲大  
草屨令標之三十里外木杪巢見之卽舍去  
郡人益尊禮之宋元  
符中賜號悟空禪師

包腰遠蹋千山雨幾箇酬恩念慈乳膝下依依短髮僧  
汲水開元身織屨織屨承歡端不惡樵路春風分客著  
黑雲壓城秋鬼哭分沒波濤委蛟鰐蒲鞵挂樹黃巢卻  
始悟微長在行腳

大小空

裴休訪潭州善覺禪師問有侍者否曰有一  
兩箇乃喚大空小空忽二虎自菴後出師曰  
有客且去

大空小空山骨峭香火清緣忘踔跳室中無以資歡笑  
娥媚風前颺秋嘯不羨羅浮黃野人安用漁童秋捧釣  
他年死骨隨他噍逍搖肯受青蠅弔

大慧爪

大慧禪師二十四歲居湛堂侍者寮一日侍  
大湛堂視師指爪云想東司頭籌子不是汝  
洗師卽承訓交代黃龍忠道者作淨頭九月  
終身不養爪甲纔長一菽不剪湛堂和尚便  
於手指  
上出現

東司籌子霜皚皚歷落寒風縐香海桑下曾無三宿留  
覺王要翦情花蕾翦爪無工秋骨改湛堂死布虛空彩

### 古錢囊

黃葉村漁家小兒布囊貯古錢或赤如丹砂  
或青如翠羽森森奇字誇示人人不識也余  
喜其古癖爲作古錢  
囊助秋風牧唱也

儂蹋繩鞵汝跨犢杖頭一串苔花綠訪徧洞天三十六  
中有飛仙兩方目能識古文蟲瑟縮盡倒青囊夜深讀  
古帝編年轉秋轂醉拍玉闌干一哭歸來青草池頭牧

與汝栽松補漁屋有古先生在天竺

平涼志

賈人持平涼志八冊余倒餅中栗易之作平涼志

明朝食粥那須計傾餅換得平涼志平涼要害古邊州  
難著書生閒習氣錦心繡口一字無只載古來豪傑事  
可藍山邊戎馬地赫連曾展秋鷹翅蒙恬蹟指鶉觚城  
會盟壇想貞元置誰人得似韓招討屹然身蔽蕭關道  
倚松吟

菴中埽花奴一旦棄我而去草屋單丁雪珠破壁景象蕭然昔饒德操與其僕祝髮爲僧德操僧名如璧僕名如琳德操自號倚松道人嘗勸呂紫微學道詩云好貸夜窗三十刻胡牀趺坐究幅風因作倚松吟歎古今人相去之遠也

倚松道人陽九厄夜失如琳賸如璧竹簾朝卷撲霜花  
大小二空曾未獲洗研焚香且自勤孤坐夜窗三十刻  
肯寫癡禪勤紫薇死究風幡有何益

入滅去

文潞公鎮北京魏府老洞華嚴來謁別文潞  
公曰法師老矣復何往對曰入滅去潞公笑  
謂其戲語歸與子弟言其道韻深隱談笑有  
味非常僧也使使候之果入滅矣歎異久之  
及闍維親往視火以琉璃瓶置座前祝曰佛  
法果靈願舍利填吾瓶言畢煙自空而降布  
入瓶中煙滅如所願潞公自  
是竭誠內典恨知之暮也

入滅去琉璃瓶滿煙消處平生整頓喫茶時肯重潞公  
陪戲語出格高流金石辭幾人談笑知風味磨兜堅慎  
勿言浩浩叢林苦浪傳

冬青飯

夢古貌僧授冬青飯法復贈冬青葉一握如  
翡翠綠因憶謝翱冬青樹引遠想慨然作冬  
青飯

珠玕夜築蒼梧溼淚簇冬青古花碧春風畫院萬年枝  
九泉泣抱蛟龍石冬青舊曲斷人腸晞髮集堆塵一尺  
一把琅玕夢中勸洞天不憶胡麻飯

雪彌勒

布袋無錢袖手閒天衣一色絕斑斕乍疑慧可安心日  
莫認瞿曇苦行山橘刻琉璃拈舊夢松撐樓閣護慈顏  
若爲歲暮風霜後賒得癡猷冷放頑

石麒麟

休言五采舊形模松柏秋風對野狐豈有玉書煩繡紱  
麟吐玉書於闕里人家誰憐血淚灑青梧西京雜記青  
徵在以繡紋繫麟角 麟二枚刻其肋爲文字是秦始皇驪山墓上物也東邊  
者前左腳折折處有赤如血父老謂其有神皆含血屬  
筋馬徐陵早歲高僧記元狩初年瑞應圖莫共銅駝怨荆  
棘河清留上太平符

亂石子

樵路崎嶇帶葉鋪幾迴秋澗憶樗蒲花前磊落仙人飯  
腳底陵嶒五嶽圖孫楚齒含苔翠漱初平羊立釣灘呼  
他年化作干峰去誰念看雲杖影孤

冰釵

無復千金索價難莫將麗玉錯傳看白瑤宮裏仙裝潔



姑射山頭寶髻寒，舊夢腸迴金孔雀。離愁敲斷石闌干，  
若教出塞明君戴青冢。春風滴未殘。

臘月扇

龍首雲秋早，自傷那堪歲暮。不知藏飛揚，燒葉松風鼎。  
冷落尋梅骨，薰箱火鳳歌聲分曲。豔天台雲影，稱心涼  
休題往日班姬怨。紉素留將撲曉霜。

甘蔗屑

炙冷尊殘過雁哀，樵僮閒埽舊亭臺。封侯敢並餘甘氏，  
退隱還同落葉堆。燕子樓空春寂寞，長安花盡客歸來。  
令人轉憶南州果，苦諫森森味獨迴。

走馬鐙

眼底周王八駿馳雲中雙鳳未全奇行空騎客家何處  
逐日神人影不離新英雄記千迴看古戰場文苑轉悲  
借問龍潭吹燭後燄輪曾有一絲移

舊書韜

韜俗作套

莫是空函客誤齋傷心短笈日沈西篆留耆舊高人印  
墨染收藏故國題魏家妓老閒銅雀吳苑兵殘擲水犀  
我亦無家任飄泊遺書誰爲弔羈棲

紙燭

半幅霞箋月黑將那須吹滅證心涼誰家書具光明種  
幾處鐙傳翰墨場劫火一星愁呂政蜚膏五色憶同昌  
同昌公主有香蠟燭  
蜚成五色蜚膏所成燃他李杜文章橐舊燄重看萬丈

長

雪珠

洞珠滴翠碧鱗鱗折贈瑤華跡已陳南海同憐鮫室淚  
石家難換墜樓人招涼號擬寒山質記事光非紺色珍  
客振青絲聲歷落卻疑楚履侍春申

紙錢灰

鬼市蕭蕭竄野狐夜臺李白酒難沽堆成漢武昆明樣  
吹作滕王蛺蝶圖水祠冷落鴉聲亂古冢婆婆樹影枯  
白馬采蝦人去後春風不遣九泉蘇

古廟香鑪

向江寂寂斷飄煙日炙風吹若箇憐過客漫拈山骨句

霜天長伴死灰禪光分釣艇一星火冷肱秋霖幾寸泉  
菌蠢莫同枯樹賦耳旁還刻盛明年

送菴中埽花奴

十年埽葉伴孤吟落落身隨斷雁音豈有券文愁便了  
忍看壞衲卸如琳梅根曉放誰家鶴馬尾秋肩別院琴  
他日樵青雙隱處夢迴夙昔愛才心

豐草菴詩集卷十

豐草菴詩集卷十一目錄

鬪韻牌編

除夕鬪韻牌分得交梢庖三韻 剪燭限掌爽  
網三韻 前題又限答衲拉三韻 元旦同樵  
兒輩分得貪甘愁三韻 前題復得籤尖匳三  
韻 前題又得膠包貓三韻 啜茶分得根痕  
昏三韻 菜羹限涌種恐三韻 前題復用未  
兒誦俸供三韻 腹痛限腹六粥三韻 前題  
自和 正月四日同兒輩茶話限陣鬻印閏四  
韻 論詩復用前韻 前題自和 兒輩各和  
余詩復用前韻 翦爪復用前韻 卽事復拈

疊印二韻 復和前韻 詠橄欖限匹謚慄覓

四韻 前題復得哭卜戮牘四韻 前題復用

樵兒撞巷降懣四韻 前題復用牧兒呪漱繡

廢四韻 前題復用末兒貢鞆痛鳳四韻 前

題復用友人拜快壞戒四韻 雪中促友人險

韻詩限雪滅鐵訣四韻 自和前韻 再和前

韻 詠竹根彌勒限蘭扁輦癢四韻 前題自

和 前題復用樵兒鈕韭白西四韻 前題復

用末兒診緊蚓隼四韻 前題用牧兒趙天小

沼四韻 穀日復雪再理雪韻寄友人并索竹

根彌勒詩 前題自和 磨鏡限太外貝繪四

韻 前題用樵兒鳳凍寶夢四韻 前題用牧  
兒澹暫啖探四韻 詠火樹限韻 前題復用  
樵兒韻 前題用友人韻 前題用牧兒韻  
前題用末兒韻 前題用舫兒韻 前題再用  
友人韻 前題三用友人韻 前題再用牧兒  
韻 詠四聲葉子限韻 前題自和 詠琵琶  
葉 夜坐限孔桶董總四韻 立春日讀宗鏡  
錄限韻 前題自和 梅花禁體限韻 前題  
和友人韻 前題用樵兒韻 前題用牧兒韻  
前題用末兒韻 前題再用末兒韻 鴛鴦  
栗限韻 詠虞美人草限韻 前題自和 前

題用末兒韻 前題用友人韻 前題用樵兒  
韻 草履限孔桶籠總四韻 詹伯玉 上元  
日詠琉璃鐙 前題用樵兒韻 春日感懷限  
韻 前題用樵兒韻 前題用牧兒韻 前題  
用末兒韻 前題用舫兒韻 前題重用末兒  
韻 隔年歷創四言律體限一東 前題用樵  
兒韻 詠玉鱗茶四言律限五微 題鬪韻牌  
編二律限韻示樵末



豐草菴詩集卷十一

鬪韻牌編

吳興董 說若雨著

除夕鬪韻牌分得交梢庖三韻

乙未

韻戲山家占新聲爆竹交團欒孤燭外突兀五言梢從  
來蔬筍味難入大官庖

翦燭限掌爽網三韻

漁屋漾如舟苔牋小於掌泛茗祭新詩短缺搖神爽燭  
淚桃花紅疑是珊瑚網

前題又限答衲拉三韻

更長少孤唱韻險難乍答人寒類鳥巢屋補如僧衲吟  
立盡鐙輝釣侶明朝拉

元旦同樵兒輩分得貪甘慙三韻

丙申

病延家世癖吟遂夙生貪評史小班馬談天陋石甘鵲  
鵲亭子就篆版定詩慙

前題復得籤尖匳三韻

凍雀戮花蠹飢童數菊籤口逢覃韻閉筍指畫脾尖吟  
斷撥灰坐伴余綦兩匳

前題又得膠包貓三韻

燭銷吟筆走雲合暮天膠梅種仍拈臘山名每憶包欲  
驗夜何許花闌喚睡貓

啜茶分得根痕昏三韻

筆牀安水畔畫軸展楓根免將油具手污著墨山痕最

憶僧寮夜吹鐙缺月昏

菜羹限涌種恐三韻

鴟夷放帆葉湖峰碧如涌回首越山寒魂銷大夫種所以灌園人藿食神無恐

前題復用耒兒誦俸供三韻

閒除酒政頒老廢魚經誦清真助研田雋永添僧俸繡得小金仙山蔬翦秋供

腹痛限腹六粥三韻

呻吟屈身首如坐枯樹腹虛心誦五千詩災逢百六休攢蓮社眉勉食顏家粥

前題自和

玉柄擲牀頭霜毫離研腹去日一萬餘夢遊三十六難  
分白石餐聊問防風粥

正月四日同兒輩茶話限陣聲印問四韻

辭編玉露珠坐學秋鴻陣博山海水環銀葉龍涎釁葬  
骨梅花林傳家東觀印只愁枯木禪詩厄黃楊閨

論詩復用前韻

飛韻學奇兵圍鑪合圓陣方摧北地旗愁開竟陵釁立  
言野鹿聽藻句仙靈印詩統正吳興相期斥偏閨

前題自和

竹葉作詩籌茶煙入雲陣風琴落葉參石磬清泉釁禽  
書啄木符鞵記尋梅印早覓藕花秧暑避今年閨

兒輩各和余詩復用前韻

句成賀凱旋韻酷多逃陣名山醉畫禪妙謔挑詩鬻童  
愁學主吟女穉求兄印擬將雜體編聊作歲寒閨乙未  
有歲寒吟一卷  
亦曰洞庭雨編

剪爪復用前韻

不羨通眉生嘔心營筆陣閒憶麻姑鞭端思湛堂鬢畫  
展左手王書拈枝指印爪事儻徵奇二客歸餘閨

卽事復拈鬢印二韻

遊屐逐花荒詞鋒襲禪鬢緩聲詩裏聞雁跡潭中印

復和前韻

彈棊竹下盟鬪草春風鬢銅槃借漢鐙獸鈕珍秦印

詠橄欖限匹諡慄覓四韻

功推藥石儔色許琅玕匹滑異東方生高參皇甫謐雋  
句報眉攢登峰償股慄從來晚節香多向薏危覓

前題復得哭卜戮牘四韻

甘苦路無歧何必楊朱哭蘇卿橄欖定迴楚客居休卜玄  
賞慕餘香愚忠忌冤戮諫果錫嘉名南州廣秋牘

前題復用樵兒撞巷降慄四韻

鴻門獻玉斗亞父拔劍撞孺子不足謀楚纍歸永巷虞  
歌泣未終魯爵封新降清雋惜餘甘應思老臣慄

前題復用牧兒吮漱繡屐四韻

南威字未行橄欖名如呪聞呼玉洗盛試汲珍泉漱銳

末抵鍼芒青章類苔繡澀如困鹽車甘若飛天殿

前題復用末兒貢鞍痛鳳四韻

艱比讀商盤澀同披禹貢亦似蜀道難苦將良馬鞍深夜味初迴甘言絕須痛竹實寧易求留渠飼青鳳

前題復用友人拜快壤戒四韻

杜鵑古帝魂曾下詩人拜低頭禮諫果雪鬪新詩快苦調各聲吞衲衣同色壤話將無味參綺語頌新戒

雪中促友人險韻詩限雪滅鐵訣四韻

曾聞雨催詩安得詩停雪況復文字禪無傷甘露滅洪範自號漁具和天隨竹枝翻老鐵傳筆笑哄堂余家辟覺

寒訣

自和前韻

玉葉四聲分杉窗鬪晴雪韻散學飛觴思枯鄰入滅瑣  
欲注蟲魚苛如判鹽鐵也思渡谿橋驢背求詩訣

再和前韻

門掩聽寒鐘沈愁三日雪祇憂佳客蹤也逐谿煙滅凍  
筆穎飛霜枯梅枝屈鐵相期石鼎聯因復商茶訣

詠竹根彌勒限齒扁輦癰四韻

臃腫斲秋根神肥類重齒

陶隱居云點掣長則法離齒

袒學

癰尊偏形刻螺書扁

崔融碑曰龍畫旁分

珊珊璫骨人

白衣陪帝輦

李泌璫子骨

視此笨鈍軀

多墨笨鈍亦愁

如嬰疥癰



前題自和

俊逸賞蘭亭難購昭陵蘭或評鍾元常隸鈍微傷扁補  
處太慙生肥重不可輦寧知竹像癭鳥爪爬秋癭

前題復用樵兒鈕韭日酉四韻

偃蹇寫癡禪屈如盤虎鈕膝尙剔秋苔背可攢堯韭一名堯韭  
清供屑水沈丁東敲玉日料伊空洞腹藏書齊小

酉

前題復用耒兒診繁蚓隼四韻

竹胎雕混沌眉目難細診苔龕笑口開風雪忘淒緊衣  
緇集秋塵座蹙縈春蚓持比摩睺羅誰能剖鸞隼

前題用牧兒趙天小沼四韻

木文憶指南傷心天下趙稽首苦節尊願爲有情天齊  
州煙點青五嶽圖形小孤笑發瀟湘棲神藕花沼

穀日復雪再理雪韻寄友人并索竹根彌勒詩

孤樹兩童子誰蹋豐草雪詩留天地閒蘂紙不須滅閒

張畫中琴一幅蕤賓鐵余家有蕤賓鐵琴圖妙指幾人傳來話無

絃訣

前題自和

野老畫春風殘若松枝雪谿村斷往來寒鐙鬼吹滅韻  
牌新染藤吟券難銷鐵借問草堂人誰授逃詩訣

磨鏡限太外貝繪四韻

清炤鬱金堂絲毫分少太形單滿月中思落秋砧外海

獸繞重輪珍銘像奇貝當年齋具人高風在圖繪

前題用樵兒鳳凍瓔夢四韻

團扇畫秦樓仙娥騎白鳳今來鏡裏看皓齒梨花凍  
旃檀寫梵龕碧玉雕香甕一段巫山煙風吹度雲夢

前題用牧兒澹暫啖探四韻

磨洗秦灰餘休嗟生活澹人閒易別離轉首千年暫卦  
氣雜焦京陽秋迷趙啖誰開古鏡塵章句思重探

詠火樹限韻

變滅難徵種樹經藥闌不用護花鈴雨香欲鬪諸天戲  
海市誰刊異草銘贈去不堪隨遠信折來難與插銅餅  
武夷再唱人閒曲瞥眼空哀俗骨腥

前題復用樵兒韻

誰道星橋句不祧金絲吹動小蠻腰詩拈蜀郡搖銀海  
畫憶唐人布雪蕉燈市棚前隨走馬榜蒲局畔借鳴梟  
老生見異司空慣定把災祥記木妖

前題用友人韻

豔奪東陵五色瓜紅妝遊艇夜深拏落梅似聽樓中笛  
繡菊疑分內樣紗人簇看場圓蟻陣檐飄花雨誤蜂衙  
凝眸最是尊前妓錯著檀槽卻手琶

前題用牧兒韻

柳未垂絲菊未秧幻如楚雨夢高唐有誰咬並臨風樹  
莫是花生眯目糠不勞秋杵飄金粟便帶瑤華折米囊

閒指參星鐙月爛會看弧矢向天狼

前題用耒兒韻

幻因總似虎形鹽吐火三更誤漏籤細柳也愁江上杜  
空花難召畫師閭隸事詭思標瑞葉題詩豔稱入香奩  
眼中摩竭元宵戲室利光分滿月占

前題用舫兒韻

金樹遙分雁塔光火輪燄裏種清涼詩人雅謔銀花合  
楚客餐英落菊黃擁髻秋鐙談錦帳淋鈴蜀雨哭香囊  
繁華自古無根蒂贏得葳蕤夢一場

前題再用友人韻

仙緣勿訝棗如瓜香撲春鐙杳莫拏幻色重遊分筆夢

看花如隔護窗紗飛成粟雨兼錢雨排得槐衙復柳衙  
野老倦看因肺病藥鑪霜葉煮琵琶

枇杷古通琵琶所  
謂名同樂器是也

詳六  
書微

### 前題三用友人韻

芳髯銀河指瓠瓜浮名瞥眼任紛拏宛教天女散花雨  
似對高僧賦浣紗光分萬丈李杜燄麗遺千年屈宋衙

山谷詩屈  
宋可作衙  
盡等  
琵琶耳

山谷詩  
滿堂洗

### 前題再用牧兒韻

休輕獵祭列魚秧綺麗詩如讀晚唐搖落樓頭疑折柳  
簸揚箕口類占糠先春訝擊催花鼓炤夜渾傾古錦囊

轉換形家方位眼九宮難復遁貪狼

詠四聲葉子限韻

兒女圍鐙角贈穿

闕四聲葉子法有贈有穿

拈來送屋怕東先海南

異物烏絲繡江左風流碧玉牋

洪武韻書誰敢戲沈約

牌用

韻

宣和牌譜待重編輸贏只闕詩多少那省山房日似

年

前題自和

闕韻難如九曲穿恰同碁子慣輸先催成繡虎雕龍技

小就蟲魚草木箋

余近著蟲魚箋草木箋二種

石鼎聯分詩裏畫非

煙譜合枕中編聲牙壓句教兒和甲子旁題缺紀年

詠琵琶葉

風吹碧葉玉鏘然樂器同名舊譜傳野老怕聽新羽調  
無心催上四條絃

夜坐限孔桶董總四韻

昔聞蔥嶺中人行魚脊孔要學象骨師悟心如脫桶騷

音析庙苗

苗裔之苗本廟字古作庙

雅字分萬董不如課圓覺癡比

髮初總

余兒時讀圓覺經

立春日讀宗鏡錄限韻

韻如漢將飛奇兵雪中角凍手喚誰呵玉塵寧暇捉臂

若稻梁謀夜領羣雛獨腳憶香巖子覺成母

香巖獨腳

頌有子覺母發語

祖葉慕南宗密諦荒西學情緣徹底空如將

蕉緣剝休持白團扇蝴蝶夢中撲霜晴對宗鏡影炤鬚



眉確

前題自和

震旦一丸泥在天東南角人如狂李白江月醉同捉宗  
乘試舉揚草深無剝啄頗似邊州民愈瘡懸蟹殼少見  
多所怪侏離安俗學西天建赤旛闕義如荀剝六朝尋  
舊譯繡字春花撲誰拈物不遷論比前人確

梅花禁體限韻

欲賽梅花神野曲聊迎送燒英入博山落瓣宜茶甕有  
時撲玉缸香寒酒偏中黃茅縛水亭苔枝借爲棟潭影  
射橫斜相對禪心空勝日清涼林雜華催夜諷覽止讀  
離騷獨飲不須痛故事憶歐陽雪戰傳詩闕

前題和友人韻

折得水邊枝擬作高人賻誰能範黃金還把夷齊鑄閉  
門夢鄧尉遠如花石戍蜀中有花石戍病負寒香期非緣畢婚  
娶死學吳仲圭墓石題明故銘旌寫梅花蓋棺三尺布  
丙舍集寒枝種樹不妨募只愁歌薤時更遣千秋妒

前題用樵兒韻

竹有醫俗名梅亦除塵雪若教賈島知采作新詩祭西  
塞綠萼人雨釣桃花鱖不如繞屋梅香海無漁稅勁枝  
龍爪拏字如評鶴瘞古澹敵清言輔嗣易略例偏宜讀  
水經夾注休嫌細寄言郭橐駝推尊號花帝

前題用牧兒韻

擬作梅花經滑稽參筆卦

字文材著筆卦

苦琢冰霜文如著囚

飲械招魂祓塵垢使君無癘疥清絕冠江南僕願焚香  
拜譬讀燕世家歲除逼亡噲香陣破風霜卷翮猶未綴  
也貪構輞川寒林圍鹿柴不知玄墓旁誰有青山賣

前題用耒兒韻

風非弘景聽樹異稽康鍛頗如飛白書醉筆繁點竄渡  
頭吟石船祖德編家諺

石船見先人吹景集  
余家渡口名梅花渡

豈獨桃花

源不知前有漢擬將萼綠華補入離騷亂寒敵孟郊詩  
愁鳴如水鶴誰記淩波仙籬落珍香蒜只愁東閣吟無  
聲學吞炭

前題再用耒兒韻

寒芒逼劍花如出，千將鍛應迷。白鶴藏未容，玄鹿竄何  
當。參星夕重理，杏花諺如上。李陵臺霜天，愁望漢苦憐。  
籬落枝新霽，光凌亂田家學。五行晴雨占，鳴鶴魂飛風。  
雪中人靜垂簾，赫厄會弔梅災。花事同塗炭。

鷺鷥栗限韻

箕山異種合歡文，贅展春闈意倍殷。孤客拾來愁日暮，  
哀猿采得哭離羣。雙聲格破詩筵禁，其命胎疑藕國分。  
尊俎夜闌思漢將，陣名空話戚家軍。戚少保繼光制鷺鷥爲陣

詠虞美人草限韻

翠釜珍峰出紫駝，麗人三月影婆娑。名隨楚帳歌中馬，  
鼓聽新聲拍後鼙。玉露比垂河滿淚，錦雲如市柘枝鞞。

盧肇柘枝舞賦 一曲斷腸花歷亂妖姬不用舞天魔  
韓瑞錦如雲市

前題自和

雒陽荆棘臥銅駝漢苑淒涼冷駁娑空憶烏騅飛血淚  
錯教紅袖醉鳴鼉斷腸楚調翻歌扇垂手春風試舞韉  
贏得紅牙千古恨酒魔惹得又詩魔

前題用末兒韻

莫遣湘衡亂細辛

杜衡亂細辛見魏文帝詩

藥闌誰記斷腸人肯飛

巫峽襄王雨宛戴蓮花道士巾

李白詩吳江女道士頭帶蓮花巾

香分

北渚歌中豔曲借江南死後春一簇愁紅傳別恨崔徽  
何必自圖真

前題用友人韻

斜陽如炤帳中鐙紅葉搖風玉一層四面歌聲新涕淚  
八千子弟舊軒騰自憐死節驕平仲吳郡吳木有平仲君遷情緣傍聖僧楊梅一名聖僧莫道無心偏草木卻同老鶴憶堯崩

前題用樵兒韻

古戰場空滿目蒿霜鐘永夜泣蒲牢風前楚舞飄羅袖  
夢裏軍裝帶寶刀花史節應貞女謚繡牀樣稱侍兒袍  
若教招得芳魂醒項紀重將史筆操

草履限孔桶籠總四韻

江左墜風騷憂來移帶孔詩誰續浣花易少傳箱桶文  
錦製著囊青藤編藥籠隨身一鞦韆五嶽憑銓總

詹伯玉

江南爆竹有名詹伯玉者聲容雙秀戲成一絕命樵兒和之

詹家玉質立斜暉  
瓊骨神仙霧縠衣  
字借衛蘧因底事  
喚醒四十九年非

上元日詠琉璃鐙

詩斷元宵疊韻筒  
續鐙新讀兩函終  
光分晉椀書千卷

晉潘尼琉璃椀賦

清壓秦牆地一弓

大秦國以琉璃爲牆西域法以畝爲一弓

釣船修夜網寒江  
鬼火逗青楓  
禰衡傳裏漁陽  
慘借和街頭鼓數通

前題用樵兒韻

兀兀空懸字裏鍼

字有垂露懸鍼閉門冷似賦愁霖傳成僧寶

露懸鍼閉門冷似賦愁霖傳成僧寶

千秋鑑

張九齡進

覺得偷心雪夜掄

吳元濟黎杖識圖

文訂卯

劉向傳上元夜人皆遊賞向獨在家觀書太

老人著黃衣植青藜杖叩閣而進向請問姓名云我是

太乙之精主天帝圖識天帝聞卯金之子有博學者下

而觀焉卯金之卯楓天神式將移王上元甲子正月十

字當作卯古酉字

宮不是禪龕太清徹

周伯仁謂琉璃

華鐙錯認辟寒金

春日感懷限韻

鹿山曾撲鳥飛爻

乙酉將移家鹿山渡記神官袖裏貓

鹿山有貓兒渡山

神與虎官遺跡也默取太常鐘號啞隱思焚上叟名聲

元結自號聲叟

宗風何日傳雞足浪跡今年定虎跑清水靈珠

如覺得濁河不用苦投膠

前題用樵兒韻



江左風流事已謫那堪寶馬憶盤陀書悲吳郡人投井  
技讓西川客補鍋夢裏舞筵翻破陣詩中鐵甲擣朝那  
死灰不解紅裙醉閒殺瀟湘六幅拖

前題用牧兒韻

歷亂松鍼與菌珎藥闌雜似五侯鯖仙經祇憶郭家葬  
郭璞著野史愁開岳氏程岳珂作野史程程氏花雨檻賣  
文思坐水窗玲鴉羣鹿脯多拋卻帖愛來禽字不脛

前題用耒兒韻

江南煙雨隔衡巫永日哀呼學築雲句愛苔紋書側理  
蓑尋漁樣織夫須客來鬪韻同腰瘦兒勸吟詩似腹腴  
結客少年題儻擬茗杯合罰鴟鴞輸余家以苦茗爲詩  
罰鴟鴞生余自稱

也

前題用舫兒韻

狂拈禿管擊茶甌成佛虛同選格散鹽豔音誰攷阿鵲  
堅鞭字未定磨兜孤兒行豈塞牖舍石鼎序無高結喉  
少年磊落鄙章句老向蟲魚爾雅搜

詩歸誤讀孤兒行  
塞牖句高結喉則

東坡詩  
誤也

前題重用舫兒韻

韻牌戲罰綠濤甌創意重鑄擲卦散詩草亂堆藏藥籠  
梅花斜插看山兜柳家樣做書多骨水調歌成字轉喉  
言出狂夫依傍少客來一任枕中搜

隔年歷創四言律體限一東

葬筆冢裏同秋夢中祭思舊臘式改新楓往日無短寒  
山轉空誰能翦燭快讀一通

前題用樵兒韻

如荷樵斧與碁仙逢白石未爛寒雲幾重西風敗葉殘  
夢晨鐘警禱雨後泥人土龍

詠玉鱗茶四言律限五微

空山斜月寂寂寒飛白石危負清言澹依翠葉如荇晴  
霜滿扉誰翦玉茗以代采薇

題鬪韻牌編二律限韻示樵耒

詩似參玄絕百非悟如逃子乍知歸養成泉石煙霞癖  
脫卻天吳紫鳳衣石鼎其兒聯菌蠢錦圖課女念璇璣

豐言十一  
竹枝詩譜田園話纔了祈蠶穀又祈

綺語於今昧昨非卻如征客老忘歸賦心未厭吟添鉢  
詩法應思受祖衣葬骨只須耕筆研賣文幾箇識珠璣  
來生不識字殊樂共向樓中繡佛祈

豐草菴詩集卷十一